

# Pier e lel krekre ek'awɲ

## Ów ek'it eke wɛl k'uw any

Bwo el Pier ee? Pier el Jesu ec'erm esel lew yony a eke sɔsum ot ab em ec'anymu. Pier, Grɛk em a nin, etɲ ow e nyandre el "Lob". Jesu in obi ɔɲ'n nin na. Ebre em e nin e l'ij a el Simɔ. Pier el Galile wus af ec'egɲ; in e baɲɲ a el Betsayida (Jan 1.43). In lele lisijim Andre ab, Galile ec'okij ab em -li b'ok muw. Gbɛko eke Jesu esɲ el a, -l'igɲ muw ok a -l'elu es etɲ -l'us ow jam. Sica eke Jesu uyu afr a, Pier ɔb in ec'Amani Mamn a e kokoba Jerusalem, Jude wus ab af lele Samari wus ab af ab. N'im toɲ l'ok Rom; yogɲ anake wɛl ew'r olikɲ af ke l'uw a.

Lel na em, Pier am dad eke Silven eke emeny wɛl b'ɛsɲ Silas a anake in el in eci lel nɔn es a (5.12). Pier nɔn lel na "Babilɔn" (5.13). Ke Rom ana. Ni nɔn lel a n'am awɲ agɲ a feɲ eke ɔny ɔmn Krist em, ke ɔmu es wus a eke yefɛnyina wɛl b'ɛsɲ Turki a ec'eb eb ab em a (1.1).

Ke legɲ na em a, ɔmn esel a ek'anɲ yogɲ a ɔbr gbɛr ijr. Ow sɔsiem anake Pier nɔn lel na awɲ el eke k'atr el sos es, gbɛr ijr a eke -l'ɔbar a sɔsiem a. Nuɲ 1.2-12 em a, n'am ɔkn wɛl eke Nyam b'ow eb elu el es etɲ ow ew el aja ligbel nyam es afr. Legɲ es abal el em a eke Jesu b'ow ewl ow a anake -li b'ow -n'ɛɲɲn aja na a. Ow sɔsiem n'am dad wɛl eke wɛl k'ɔny ɔmn, ke wɛl fnym es kikri es abur feɲ ec'any af.

Nuɲ 1.13 toɲ nuɲ 2.10 em a, Pier am ɔkn el eke Nyam in ibrm eke wɛ'n ki kok sayl owi. Nuɲ 2.11 toɲ nuɲ 5.19 em a, n'am ibrm eke wɛl k'ɔny es an mamn agɲ a ek'ɔnym ɔmn a ec'araɲɲ lele wɛl ɔfr em ab. N'am ibrm eke wɛl k'eb Krist eke kokm low ɔbr kaka, ke ebeɲ yeji wɛl ijr gbɛr a e lakr a.

Lel a ec'uwɛr em a (5.1-14), n'am ɔm ɔmn esel a lele idr esel ab ab ów.

## ɛsɲɲ

**1** <sup>1</sup>Em Pier, Jesu Krist ec'erm es, em anake m'am awɲ agɲ a eke Nyam sɔsum ot a lel na a, el a eke ɔmu es,<sup>†</sup> ke am ir eb esɛ etu agɲ af, Pɲɲ, Galasi, Kapadɔs, Azi lele Bitini wus ab af a. <sup>2</sup>Nyam ɛs, ikɲ anym sɔsum ot ɔny esɛ elɛl eke li bebɲ l'ew es ab af. L'ecr in ec'Abɲ ab em li kok ɔny

<sup>†</sup> **1.1** *el a eke ɔmu es*: legɲ ab em odad ebl a ek'anɲ Grɛk eci silel ejec'em a, bi yegm Jwifɛl ek'irm Palestin wus af a. Kɔ aɲa ec'a odad ebl na el Krist e jam us esel ek'ɔmu es wus nimum af a eci. (Bɛbɲm Jak 1.1 lel ow ec'akr otar ab ab.)

eel agɲ lala, yec'etɲ ke élumɲ Jesu Krist, ke in eci mebl a áyal ony.† Ke Nyam ec'owro a lel erm es ey ab ab ény bobn ony.

### Si kókɫmn Nyam ek'ecr Jesu Krist em elu sel eɲn ɔkm a

3 Si kókɫmn Nyam, ey Es Kɔɔkɔ Jesu Krist ec'Es! In eci ɔɔɲɲ ikɲ ligbel ab em, n'ɔɲ wel ewr ey em Jesu Krist eci luw em ek'anɲ igb a sosiem. Nene em anake s'am ɔmn low a eke b'ɔɲ ey s'anɲ owr a, 4 etɲ s'ɔtu eke sos em iɲn em, si k'eku aja a eke Nyam ew es in ec'agɲ ec'a. Aja a, l'oc l'ew ɔny es afr, yogɲ a eke ow k'ɔtum uɲm, ikpim, iram a. 5 Etɲ ony obi a, eke ubr nawre a sosiem, Nyam ek'onɲ abusu a b'ɔsu ɔny, ɔny e ɔɔg eci. Sel eɲn ikɲ na, wel b'ow uw'r any sɛɲɲ es abal el em a.

6 Na sosiem sos em iɲn iy ɔny em gbɔɲ, ek'ow it eke yefenyɲa em ses babur akpasu akpasu a k'owr ɔny sos es sɛɲɲ tɛl eci yeji. 7 Ses babur amua b'elum ɔny ec'omɲ e sakpl a abu ey ɔkm. Sika ɔtu eke k'uɲ, eben yeji wel b'oc elu'l alm, wel ékn eke l'el caɲ. ɔny ec'omɲ a ec'a yeji eben. L'il an l'akm sika, gbekɔ in yeji li b'ecr eɲm ékn em. Na sosiem anake, lɛɲɲ a eke Jesu Krist b'ow ey ɔkm a, b'ow eɲan es susm, kókɫm lel anyɲbel ab ɔny ec'omɲ a e sakpl a sosiem a. 8 ɔny, Jesu éknmɲ in etɲ eben yeji b'erurir ir. ɔny, éknmɲ in caca em a etɲ eben yeji b'ɔnyɲ ɔmn in em. Na sosiem anake sos em iɲn ligbeliy ɔny em a, sos em iɲn ligbel eke wel k'ɔtum dadm ow e low. 9 Sos em iɲn ikɲ na ɔnyɲ aɲke wel ɔɔg ɔny. Na el ob ap a eke b'eɲan eke ubr Jesu nawre a sosiem.

10 Sel eɲn ikɲ na, **kokoba** ɔb esel ɔl es etɲ tutr in e lís e low. -L'ikɲ anym -li dad ob ap a eke b'ow eɲan a e low. 11 Krist ec'Abɲ a anɲ el em, etɲ ikɲ anym ewar Krist eci gbre fɛɲ eke b'ow ij a lel ow ec'anyɲbel eke b'ow igɲ ab ab.† Kokoba ɔb esel a ɔl eke k'uw lɛɲɲ ab af eke ów amua k'éy a, lel ow ec'elel eke ow k'owr ab ab any. 12 Etɲ Nyam yegm el eke: odad a eke wɛ'n am ɔb ow e kokoba a, ow'n elm wel eci, kɔ ɔny eci. Sica, agɲ a ek'am ɔb Amani Mamn a eci kokoba a, cɛc ɔny odad a Abɲ Lala a ek'anɲ afr ow a ec'abusu em. Etɲ odad na, **afr** erm esel el obi yeji erur eke k'épi meny es em.

### Lala em ec'es an

13 Ow sosiem, bèɲmɲ sos low kok eci ke áɲɲɲ any owr. Òcr ɔny eci low ɔmn a nimum elul bibm a eke b'ow eɲan ab em, lɛɲɲ a eke Jesu Krist b'ow ey ɔkm a. 14 Élumɲ Nyam ke kí kokmɲ lɛɲɲ sig em ec'ony ec'ów aw a ek'anɲ ɔny em, gbɔɲ ke uwr Krist any a e low. 15 Èel lala ɔny ec'es an nimum em, esɛ elel eke Nyam ek'esɲɲ ɔny a el lala ab af, 16 aɲke Nyam Lel em wel nɔn: *Èel lala, aɲke m'el lala.*†

† 1.2 Èkn ɔkm Ok 24.3-8; Ob Ap 16.14-15; Ebre 9.22. † 1.11 Èkn Selu 22; Esayi 53; Luk 24.25-26. † 1.16 Ob Ap 19.2.

17Ɔny eci Nyam ñɔɔn em a, ɔny b'ɛsɔn Nyam ɔny Ɛs, in eke li bi jej ɛɔn fɛɔn e low l'ok nɛnyembri nyam em, ɛɔn ɛɔn ec'elel eke kokr ab em a. Ow sosiem, iir eb Nyam eci muru em sɛɔn a ek'anɔn ɔny eke k'anɔn wus af aɔa. 18Ɔny lagɔel ec'elel eke b'iir eb ke ebr a, low kaka anm em. Gbɛko ɔny uwr any eke Nyam ɛnm ob ligbɛl ɛtɔ oc sɔɔr ɔny eb ir akpasu na em. Ɛtɔ ow elm ob eke b'uɔ ɛsɛ sika af oglog ɛsɛ jɛtɛ em af li sɔɔrm ɔny. 19Ɔo Jesu Krist eci mebl ek'il an ab em li sɔɔr ɔny. In eke l'el egb waw ek'anɔn ɛsɛ licebli ek'ɔnym low ɔbr ke itam em af a. 20Nyam ikɔ anym bebɛm ɛw'r es gbɔɔ ɛtɔ kok wus nimum ɛtɔ ɔny eci nimamn sosiem, l'ɛlu ow ɔkm sɛɔn na ek'el sɛɔn es abal el ab em. 21Krist em anake b'ubr Nyam ek'igbm'n luw em ke ɔɔ'n anygbɛl a nawrɛ a. Kin low a sosiem eke b'ocr ɔny eci nawrɛ ub a lel ɔny eci low ɔnm ab ab ɛlul Nyam em a.

22Ɔny eci low nɛnyembri nyam ec'elum a **ayal** ɔny eke k'eruririr nawrɛ em tasi ɛsɛ ɔny lisijimɛl ɔfr cɛ af. Ow sosiem, ɛruririr tasi em ɔny ɔfr ɛrm lala em.† 23Ɔny wɛl ewr ɔny em ɛtɔ em ewr owr na anm ob eke b'uw em owm, kɔ ob eke k'ɔtum uwm em. Ɛ! Ɔny wɛl ewr ɔny em, Nyam ec'odad ebl a eke b'ɔɔ ɛɔn sel ke anɔ sɛɔn fɛɔn ab em. 24Nawrɛ, aɔke Nyam Lel dad nine:

agɔ fɛɔn anɔ ɛsɛ suw af,  
ɛtɔ low fɛɔn eke b'ɔɔ el -n'ɔny any a,  
anɔ ɛsɛ ɔgm suw dɔdɔ af.

Suw b'uw es ɛtɔ suw dɔdɔ bi kpab ɛy,

25 kɔ Ɛs Kɔtɔkɔ ec'odad ebl a anɔ sɛɔn fɛɔn.†

Odad ebl na el Amani Mamm a eke wɛl ɔb ok ɔny a.

### Lebn a ek'anɔn owr a lele Nyam ec'agɔ ab

**2** 1Ɔɔɔn low fɛɔn ek'el low ñɔɔ, yadɔ ɔny, ɛnyembri yony yony, nyamnɛyr lel ɛɔn cak cak ab. 2Ɛsɛ ey abu em eke wɛl ew af, ɛruririr Nyam odad ek'el mɛny mij mamm a, yec'ɛtɔ ke in ec'ɛɔn em a, ágbɛr ke ɛɔn sel. 3Tasi em a, Nyam Lel dad nine: *ɔny, tatr Ɛs Kɔtɔkɔ anm skan in e sided a.*†

4Ɔwr titmn Ɛs Kɔtɔkɔ ek'el lebn a ek'anɔn owr ke agɔ igɔ ɛlu es a, Nyam sɔsum oc'r, l'ɛkn eke ow el sɔbɔ in ec'any af. 5Ɔny yɛji, ɛsɛ mebn ek'anɔn owr af, ɛbr usu Abɔ Lala ec'ɛl a ec'us ab em. Ow b'ow ɔɔ okar af eel **egb** waw ɛsɛl ec'eb eke wɛl ot ok saw, Nyam e juma kok eci, ɛtɔ b'ow kokr segb waw Nyam ec'Abɔ a ec'erur em, ɛtɔ Nyam b'ow eb Jesu Krist sosiem. 6Ɛtɔ kin yec'ɛke Nyam Lel dad:

Mi sɔsum lebn sɔbɔ ek'il an m'oc,  
ɛtɔ mi b'ow m'ɛw'r es Siɔn† eb em ɛsɛ **lɔy** em eci lebn af;

† 1.22 *erm lala em* 1 Pier eci silel esig oglog ec'a: *erm fɛɔn em*. † 1.24-25 Esayi 40.6-8, Septant em ec'odad eke wɛl oc. † 2.3 Selu 34.9. † 2.6 Siɔn: el Jerusalem ec'eb a e nin.

etj egn yec'eke b'oc omn elu'l em a,  
 sos k'ow omn es legj kaka.†

7Dny ek'ubr nawre ec'a, lebn na il an noko ligbel; ko agj ek'ubm nawre  
 ec'a lebn ofr ofr ce ow el:

lebn a eke el us esel igj elu es a  
 ewl meny el el loy em e lebn tasi,

8 etj l'el lebn eke b'eb agj akr  
 lob eke b'elu egn wus.†

-Lok wus anke -l'egjm -l'ubm Nyam ec'odad a nawre, etj na el low a eke  
 Nyam bebm el ec'a.

9Gbeko ony, eel agj a eke wel ssum ot a, Eb ebu a ec'egb waw esel a,  
 agj a ek'el Nyam ec'a. Ony eel agj a eke Nyam ssum ot eke k'ob ow egbel  
 a e li kok a ec'amani. In l'esj ony eke k'okr okm ncebn em, ke li nyimn  
 ony in ec'usuayl soko ab em.† 10Legj sig em a, ony elmn Nyam ec'agj, ko  
 yefenyana em a eel in ec'agj n. Legj sig em a, Nyam onym ony eci sornj  
 ikj, ko yefenyana em a n'onj ony eci sornj ikj.†

### Dny es an nyim nyim agj eke elm nawre ub esel a ec'aranj

11Erur em ec'agj lisijimel, ony eel etu agj ek'ir wus af anj legj tel eci.  
 Ow sosiem m'am dad ony: k'usr ony ec'ow aw enj a eke b'ogj ony eci liy  
 mum a jam. 12Agj ek'uwm Nyam any ec'aranj a, onyn es an nyim nyim,  
 yec'etj ke eke -li cicr ony yadj em ek'onj kokr ow enj, ke -l'otu -l'egj  
 -l'eb -l'ekn ony ec'ow amamn a, ke legj a eke Nyam b'ow ow a, -li koklm  
 ow ec'anygbel a.

13Elumn abusu esel Es Kotoke sosiem, ke elumn eb ebu a anke l'el agj  
 a fej ec'es ew, 14ke elumn in eci kpama esel eke l'abul ow enj kok esel  
 eci low ob, lel agj amamn ec'aw a yeji.† 15Yec'ek'el Nyam ec'erur a el ke  
 ony ec'ow amamn kok a abl agj ek'uwm low any eci nyamb ij a neny es.  
 16Aan es ese ewi af gbeko, ke ony eci lewi ij a k'elm gbad eke b'ocr koi  
 ow enj es. Ko onyn es an ek'el Nyam ec'obowi ec'es an. 17Dny egn fej  
 ec'elum. Erurir omn em ec'onj lisijimel a, onyn Nyam eci muru ke elumn  
 eb ebu a.†

### Akj juma kok esel lele es ew esel ab

18Dny, akj juma kok esel a, elumn es ew esel eke bi kokr el e juma a es  
 is em. Etj ow elm el a ek'onj erm mamn ke el froro a ce k'eluumn, ko el  
 a ek'el agj tuotuo a yeji. 19K'aw ke ony am ijr gbre ek'itamn eke k'ijr a,  
 anke erurir eke k'eel cecce Nyam eci. Eke ow el eben ke low senyn senyn

† 2.6 Esayi 28.16, Septant em ec'odad eke wel oc. † 2.8 Selu 118.22; Esayi 8.14.

† 2.9 Okm Ok 19.5-6; Esayi 43.20; Okm Ok 19.5; Ol Okn 4.20; 7.6; Esayi 43.21; 9.1.

† 2.10 Ose 1.6,9; 2.1,23,25. † 2.14 Bèbmn Rom 13.1-7. † 2.17 Nyandre 24.21.

ana. <sup>20</sup>Tasi em a, blel ow el low ñuñ kokr, ke bogñ ec'any ij b'ow eñan ek'egñ ebr am ijr gbre ee? Kò ek'am ijr gbre low eku em, low mamn eke kokr a eci, ke ow el low senyn Nyam ec'any af. <sup>21</sup>Tasi em a, low na ec'anake Nyam esñ ony a, anke Krist in obi yeji l'ij gbre ony eci, etñ l'ew ony sewl es, yec'etñ ke ébr in e lakr a. <sup>22</sup>In li kokm sikpl kaka etñ in e nenym meju owi ann eym òkm.† <sup>23</sup>In, eke wel wewr'r a, li wewrm egñ; eke l'ij gbre a, l'ijm luw l'okm egñ kaka af, kò l'oc in ec'òmna a l'elu Nyam eke bi jej low ok nenyembri nyam em ab em.

<sup>24</sup>Olikñ ab af,

Krist in obi oc ey e sikpl a ubu sos af,  
yec'etñ ke sikpl ec'a s'úw,  
ke s'ír eb nyim nyim eke b'akpl Nyam sos em.  
In ec'abi a anake ewlm ey a.

<sup>25</sup>Tasi em a, ony anñ esε mecεb ek'irm af, kò sica ony ewal meny owr mecεb òsu es† a eke b'ew ony eci liy nyamn af a ogñ.

### Dyow lel el ecel ab

**3** <sup>1</sup>Dyow, ony ec'a, onyn es is ony ecel e lís, yec'etñ ke ek'el em a agñ nyam nyam anñ ek'ubm Nyam ec'odad a nawre, ke ony ec'es an mamn em, -n'onny òmn, ow k'elm odad ebl em, <sup>2</sup>anke -li b'ow -l'ekn ecel ek'onny ec'es an a el lala lele elum em ab a. <sup>3</sup>Ony eci sakpl a itm eke k'el sos af eci cε: esε sin ec'òtu mawl em, sika em miyob lele mob sus em ewi eci sus ab; <sup>4</sup>kò ke ony eci sakpl a él yec'a eke lól es ony em a. Erm fròrò lele bεte ab anake el sakpl a ek'il an òkò ligbél Nyam ec'any af, ke íram a. <sup>5</sup>Lεgñ sig em a, dyow nawre ub lisel ek'onny òmn Nyam em a, ony sakpl ikñ na anke -li b'elum el ecel. <sup>6</sup>Etñ esε Sara af, li b'elum Abraham etñ li b'esñ ow: «Em egñ gbeliy.» Sica, ony eel in ec'dyow oto, eke bi kokr low mamn etñ égbmn low kaka feñ es onym ony erñ.

<sup>7</sup>Dyow ecel, ony yeji, ony ec'dyow ab ab ec'eb eke b'ow ir usu nyam a, èwr el e lís e low any. Ow it eke k'uwr any ek'dyow el ob fuefue. Kòkr el e low elum em† anke esε ony af, -li b'ow -n'eyñ sel eyñ a eke Nyam b'ow ap ony a. Eke bi kokr eben a, low kaka k'ow edñnm ony e Nyam ñyñ a feñ.

### Ijr gbre low nimamn eci, kò ow k'él low ñuñ eci

<sup>8</sup>Uwr em ec'a, ony feñ onyn neny af okr nyam, ikñnin sòrñ, èrurir ony òfr esε agñ lisijimel af, onyanin erm mamn, ke egñ egñ ís es lawl ec'any af. <sup>9</sup>K'òcr low ñuñ k'òbarir low ñuñ any; k'òcr wewr k'òbarir wewr any. Ow eke ki kokr a el: ke íbrmn Nyam ec'òwrò a egñ a eci, anke na sosiem

† 2.22 Esayi 53.9. Akr 22 toñ akr 25 ab, am elu Esayi 53 ec'odad eke dad libòwi a eke b'ow ij gbre a e low òkm. † 2.25 mecεb òsu es: Luk 15.3-7; Jan 10.11; 1 Pier 5.4. † 3.7 Efes 5.25; Kolos 3.19.

eci Nyam esɲ ɔny eke k'ɔny ɔny ɔwɾɔ esɛ aja af. <sup>10</sup>Kin yec'eke Nyam Lel dad:

Ek'ɛgɲ nyam am erur eke k'ɔny ɛb ir mamn,  
ke úw ehe e sɛgɲ any a,  
ow it eke li k'ɛdɲn in ec'anm a ów ɛɲɲ e dad,  
ke l'ɛdɲn in e nɛny a yadɲ ec'ɔny.

<sup>11</sup> Ow it eke li ki kpab es low ɲɲ e lís,

li kok low nimamn ke l'ól erm es ɛy es low any at ɛm.

<sup>12</sup> Li kók ɛbɛn, aɲke ɛs Kɔtɔkɔ ec'anyamn a aɲ in ec'ey a eke b'ɔny es an mamn ab af,

ɛɲ in ec'oru a b'iri ɛl eci ɲɔɲn ɛbl a;

gbɛkɔ agɲ a eke bi kok ów ɛɲɲ a li b'atar wel ab.†

<sup>13</sup> Ek'ɔny ec'erm fɛɲ ɛm am ɔl low nimamn eci kok es, ke bwo ec'ɛgɲ b'ow kok ɔny low ɲɲ ee? <sup>14</sup> ɛɲ eke, lɛgɲ nyam low nimamn eci kok sosiɛm am ijɾ gbɛ, ke ehe ɛl ɔny eci! *K'ɔnyɲ agɲ eci muru ɛɲɲ ki yɛbr erm mij kok ɔny!*

<sup>15</sup> Gbɛkɔ ɔny ec'erm ɛm a, sùsmn Krist ɔny ɔɛ es, eke l'el ɔny eci Kɔtɔkɔ a.†

Sɛgɲ fɛɲ, bèbmɲ otarir ɔny e low ɔmn a ek'ɔnyɲ a e low akr ókr agɲ a eke b'ow ibrɲ ɔny a. <sup>16</sup> Gbɛkɔ, ke ow ɛl betɛ betɛ lel ɛlum ɛm ab. Ke ɔny ec'ów tutɾ ɛm a abr enym k'ánm, yec'ɛɲɲ ke agɲ a ek'am ɔnyɲ ɔny yadɲ a, ɔny ec'ɛs an mamn Krist e jam us ɛm a, ɛs ók any. <sup>17</sup> Ow akpl eke tasi ɛm a, k'ij gbɛ low nimamn e kok ɛm, eke ow el Nyam ec'erur, ow a eke k'ij gbɛ low ɲɲ e kok ɛm a.

### Krist ij gbɛ ɛb any ɔɲ ɛy

<sup>18</sup> Tasi ɛm a, Krist in obi ij luw e gbɛ agɲ e sikpl a nuɲ af, akp nyam coco ɔɛ eci; in eke l'el nɛny nyam ɛs a, l'uw ów ɛɲɲ esɛl sosiɛm, yec'ɛɲɲ ke l'ót n'im ɔny Nyam ogɲ. In, l'uw sos megl e luw, gbɛkɔ Abɲ Lala ɛwl meny ɔɲn owɾ aɲɲ. <sup>19</sup> Ow ɛm a, n'im n'ɔmun in ec'any ɛb ec'amani ab es† l'ok abɲ a fɛɲ ek'anɲ sobel ɛm a. <sup>20</sup> Ow el ɛl a eke lɛgɲ sig ɛm a ɔbr Nyam any a. Nyam ɔɲ in e low eku a am ibrɲ, lɛgɲ ab ɛm eke Noe am kok mijɛɲɲ ligbel nyam a. Agɲ tel ɔɛ anake ok mijɛɲɲ ab ɛm, ke ɛr mij ɛm eci ɛɲɲ sel a; el fɛɲ -l'ij agɲ niwn. <sup>21</sup> Ów amua el mij ok nuɲ a eke b'ɔny ɔny sel yɛfɛnyɲa ɛm a eci meny ɛwɾ. Mij ok nuɲ na elm ɛy e sos megl af e sikpl a ec'ɛs yɔyɔg eci, kɔ ke ɛgɲ ɛb ocr ɲ nimum ɛlul Nyam ɛm, ów tutɾ ek'ɔnym abr enym ɛm.† ɛɲɲ mij ok nuɲ na ɔtu el, Jesu Krist e luw ɛm ek'igb a sosiɛm. <sup>22</sup> L'uyɲ afr,

† 3.12 Selu 34.13-17, Septant ɛm ec'odad eke wel oc. † 3.14-15 Bèbmɲ Esayi 8.12-13.

† 3.19 *Ow ɛm a, n'im n'ɔmun in ec'any ɛb ec'amani ab es l'ok abɲ a fɛɲ*: odad na Grɛk ɛm a wel ɔtu eke k'itɲɲ ɛjɛc'ɛm dad esɛ: *Abɲ na ab, n'im toɲ li dad odad l'ok abɲ a fɛɲ...* Ow ɔtu eke k'el agɲ a ek'ɛgɲɲ irim Noe ec'ɛwar a, ke uw a ec'abɲ; oglog agɲ beb bi tutɾ ek'ow el afr erm esɛl ek'ɔbr Nyam any, ke is erm suɲ owi a ek'ɔɲ Nyam ɲɲɲ wus mij gbɛl ab ɛm a, ec'abɲ a. Bèbmɲ Nuɲ ɔb 6.1-8; 2 Pier 2.4-5; Jud 6. † 3.21 *kɔ ke ɛgɲ ɛb ocr ɲ nimum ɛlul Nyam ɛm ów tutɾ ek'ɔnym abr enym ɛm*: odad na Grɛk ɛm a wel ɔtu eke k'itɲɲ ɛjɛc'ɛm dad esɛ: *kɔ ke ibrɲ Nyam ayal ɲ ec'ów tutɾ a.*

n'anj Nyam e lidr abu af. Sica n'ony lec l'akm **af** erm esel fèj, lele mob fèj ek'ony es ew lel abusu ab a.

### Ìggn sikpl owi elul es

**4** <sup>1</sup>Eke Krist ij gbre in e sos megl em a, ony yeji bèbmn sos tutr nenyembri nyam ab em, anke egn yec'ek'ij gbre in e sos megl em a onym low sikpl ab. <sup>2</sup>Segn ek'anj ony eke k'iir eb wus af anja a, k'ùsr agn ec'ów aw enj a jam, kò ùsr Nyam e low e b'erur a jam. <sup>3</sup>Ee, lègn ek'ec ab em a, kokr sakp nɔnɔ agn ek'uwm Nyam any a e low e b'erur a. Ony iir eb ese elel ek'erurir ab af, onyn ów aw enj, eel mar egn. Eel ob iju etj b'ìggn sinyam yadj ek'el nenjn e mob a nuj. <sup>4</sup>Jam anja, agn amua low am iti any. Úsmn el jam ij, ánmn el e ec'eb ir suksuk owi ab em ij, etj -li bi wèwr ony. <sup>5</sup>Gbekɔ -li b'ow -l'ayal el ec'ów amua fèj -l'ok Nyam ek'inym es eke ki jej agn ek'anj owr lel agn ek'uw ab ab e low ok a. <sup>6</sup>Na sosiem anake wèl ɔb Amani Mamn a ok agn a eke caca em uw a yej'a. Eben a, eke -l'uw ese agn fèj af sos megl e luw a yeji, ke sica -l'ɔtu -l'ir eb, ese elel eke Nyam am erur ek'agn k'ir eb ab af, Abj Lala ec'abu elum em.

### Ànñn ese Nyam e juma kok esel amamn af

<sup>7</sup>Ow k'ow ibnm etj ow b'ow el low fèj e nuj. Ow sosiem iir eb sos es ok em, ke any ok ony es, yec'etj ke ɔtur nɔnɔn Nyam. <sup>8</sup>Low tasi eke k'ikn anym kokr a el, éruirir ony ɔr ony ec'erm fèj em, anke *erur bi tetj sikpl nɔnɔ es.* <sup>9</sup>Ebr agn eke b'ow ony akn a, ke ow kakl k'ánm em. <sup>10</sup>Ke egn egn ec'ob ap ek'èjn Nyam e lís a, l'óc li kokr lawlèl a fèj e low. Ànñn ese juma kok esel amamn eke b'òsu Nyam ec'ob ap enj ab af. <sup>11</sup>Ke egn ek'èjn ob ap ek'el Nyam odad ec'a, él Nyam e neny af odad es. Ke egn ek'èjn ob ap ek'el abu elum ec'a, kók abu elum es e juma lec a eke Nyam b'ɔn'n ab ab. Etj Nyam b'ow etj anygbel low fèj em Jesu Krist sosiem. In ec'él anygbel lel abusu ony ab segn fèj! Amen.

### Sos em iñn gbre ij em

<sup>12</sup>Erur em ec'agn lisijimel, ow k'éw ony any iti, ese low ek'okr ony es af! Ek'anñn ebm ekn eke b'otarir es ese al em eci ecr ab af. Al na anake b'ow elu ony ec'ob ek'eel a ɔkm a. <sup>13</sup>Eke tasi em anñn Krist eci gbre ij a e low em, ke ànñn sos em iñn em, yec'etj ke lègn a eke b'ow ekan in ec'anygbel a yeji, ànñn ehe lele sos em iñn ligbel ab em. <sup>14</sup>Eke wèl bi wèwr ony eke eel Krist eci **jam** us esel a sosiem, ke ony ec'a ehe ligbel ana! Anke Nyam ec'anygbel ec'Abj a anj ony af!

<sup>15</sup>Ke ony em ec'ègn kaka k'ijm gbre egn e l'ibi, mil e liy, low nuj e li kok oglog egn ec'ów eke l'ìgb l'èy em sosiem eci. <sup>16</sup>Kɔ ek'ègn nyam am

† 4.8 Nyandre 10.12; Jak 5.20. † 4.10 *Nyam ec'ob ap enj enj*: bèbmn Rom 12.4-8; 1 Korent 12.4-11, 27-31.

ij gbre kretien e l'el a sostièm eci, ow itm eke és k'ony'n; kò ke nana n'ny Nyam bia eke li k'otu l'ij nin na. <sup>17</sup>Aḡa anake el jēj ok a e nuḡ ɔb a, etḡ ow ɔb nuḡ Nyam ec'agḡ em. Sica eke l'ɔb nuḡ ey em, ke agḡ a ek'egḡm ubm Nyam ec'Amani Mamn a nawrē ec'a, ayaf ow b'ow ecr ab ee? <sup>18</sup>Èsē elēl eke Nyam Lel dad ab af: *Ek'ow ew tuɔtuɔ eke egḡ nyim nyim k'egḡn sel, ke ayaf ow b'ow ecr ow egḡn esel lele sikpl esel ab ec'ab ee?*<sup>†</sup>

<sup>19</sup>Ow sostièm agḡ a ek'am ij gbre Nyam ec'elum sostièm a, it eke k'ocr el sosi elul Nyam el e Kok Ès ek'el cēcē a abu em, ke -l'ucu low mamn kok -n'ony es.

### Aḡḡ ekpekp a lele kretienel a feḡ ab ec'ow om

**5** <sup>1</sup>Sica, **agḡ** ekpekp a ek'anḡ ɔny ab ke bi nyimn Nyamel a anake m'am dad odad a. Em obi yeji m'el egḡ likpekp esē ɔny af. M'el Krist e gbre ij a e danḡku, etḡ mi b'ow m'anḡ anygbel a eke b'ow ey ɔkm a e low em. <sup>2</sup>Etḡ kin yec'eke m'am dad a: èwr mèbob eke Nyam abul ɔny a e low any. K'èwr el e low any esē atrm em af, kò erur tasi em, esē elēl eke Nyam erur ab af. K'èwr el e low any os egḡn sostièm eci, kò eke egḡn ebr a sostièm. <sup>3</sup>Aḡḡ a eke Nyam abul ɔny a, k'èwr es ew lec lec el ab; kò èl mèbob a e sewl, <sup>4</sup>yec'etḡ ke legḡ a eke mēceb ɔsu esel ec'Es Èw Ès a b'ow ow a,<sup>†</sup> éḡan ob ap ek'el anygbel e tufe eke írmnm in eci jējn a.

<sup>5</sup>Iḡbafre, ɔny yeji, èlumn aḡḡ ekpekp a. ɔny feḡ, isr es ewr ekekey ɔny lawlēl ec'any af, aḡke Nyam Lel dad nine: *Nyam b'owr aḡḡ eke b'ew sos a abr, kò li b'elu in ec'erm mamn ɔkm aḡḡ eke b'is es a e līs.*<sup>†</sup> <sup>6</sup>Ow sostièm, isr es ewr ekekey Nyam e lec a ec'ew, yec'etḡ ke legḡ a eke l'ew ab af, n'ony l'igbl ɔny ogḡ. <sup>7</sup>Ōcr ɔny ec'erm mij ebr feḡ elulil Nyam abu em, aḡke li b'ew ɔny e low erm.

<sup>8</sup>Ōsur sos, ke áḡḡn any owr. **Agn** ek'el ɔny ec'ifnu a, esē kukuma eke am awḡn af, am did ɔny etḡ am ec ɔl egḡ eke k'emn es. <sup>9</sup>Ínymn es kikri ɔmn em ke ákmn in es. Ke úwr any ek'ony lisijimel ek'anḡ wus nimum af a, am ij gbre nenyembri nyam esē ɔny af. <sup>10</sup>ɔny e gbre ij a b'ow ibn segḡ tēl cē eci. Kò Nyam ek'in em bibm feḡ anḡ a, esḡ ɔny eke k'owr anḡn in ec'anygbel a ek'onym uwr ab em, Krist ab ec'af okr ab em. Etḡ li b'ow li kok ɔny eel ɔɔɔ, eel leg leg ke ɔny n lec, ke sica wel k'ɔtum ɔnym elum ɔny wus ij. <sup>11</sup>In ec'él abusu ɔny segḡ feḡ. Amen!

### Èsḡn es abal el

<sup>12</sup>Silas el egḡ lisijim ek'el cēcē. M'ecr in em mi nɔn lēl ikprli na, eke mi k'atr ɔny sos es ke mi yégm ɔny tasi eke Nyam ec'owrɔ a tasi anake ucyr ɔny es a.

<sup>†</sup> **4.18** Nyandrē 11.31, Septant em ec'odad eke wel oc. <sup>†</sup> **5.4** mēceb ɔsu es: Luk 15.3-7; Jan 10.11; 1 Pier 2.25. <sup>†</sup> **5.5** Nyandrē 3.34, Septant em ec'odad eke wel oc.



<sup>13</sup> Agɛ a fɛɛ ek'anɛ Babilɔn aɛa, ke Nyam sɔsum ot esɛ ɔny af a, el fɛɛ am esɛɛ ɔny, em jim Mark yeji.† <sup>14</sup> Èsɛninin ɔny ɔfr, af ɛyarir em lel erur em ab.

Èrm es ɛy él ɔny fɛɛ ek'okar af Krist em a eci!

---

† 5.13 *Babilɔn*: agɛ bɛb bi tutr ke Rom ec'ɛb a. *Mark*: Pier ec'a, Mark el in ec'ɔmn em ec'iy.